


T693/4248(4)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

NOV 4 1952

4



春秋直解卷十

郝敬解

襄公名午成公子在位三十一年

元年○春王正月公即位

仲孫蔑會晉欒黶宋華元衛甯殖曹人莒人邾人滕人薛人圍宋彭城

晉以諸侯之師圍宋彭城執石魚等五大夫以歸

夏晉韓厥獻公作帥師伐鄭仲孫蔑會齊崔杼曹人邾人

杞人次于郟公作

晉伐鄭入其郟收其徒兵于洧上諸侯之師次于郟

春秋直解卷十

哈佛大學哈佛燕京
圖書館珍藏印

郝敬解

襄公名午成公子在位三十一年

元年○春王正月公即位

仲孫蔑會晉欒黶掩宋華元衛甯殖曹人莒人邾人滕

人薛人圍宋彭城

晉以諸侯之師圍宋彭城執石魚等五大夫以歸

夏晉韓厥屈公作帥師伐鄭仲孫蔑會齊崔杼曹人邾人

杞人次于郟公作合

晉伐鄭入其郟敗其徒兵于洧上諸侯之師次于郟

以待晉師之侵楚也

秋楚公子壬天帥師侵宋

救鄭遂侵宋

九月辛酉天王崩○邾子來朝○冬衛侯使公孫剽來

聘○晉侯使荀罃來聘

天王崩諸侯不會而自相朝聘非禮也春秋是非明

白易見類此

二年○春王正月○葬簡王

鄭師伐宋

楚命也

夏五月庚寅夫人姜氏薨

成公夫人也

六月庚辰鄭伯踰哀去聲卒

鄭成公病子駟請曰有不諱晉楚誰從公曰楚君以

我故親集矢于其目若背之是棄力與言也免寡人

唯二三子公卒僖公立子罕當國子駟為政子國為

司馬

晉師宋師衛甯殖侵鄭

伐喪也成公二年衛有穆公之喪鄭從楚伐之甯殖

報之故獨書名此穀梁之說然則春秋于報怨可知

也。儒者大復讐。不自相左與。

秋七月仲孫蔑會晉荀瑩宋華元衛孫林父曹人邾人于戚。

謀鄭也。仲孫蔑教晉城虎牢。以逼鄭。

己丑葬我小君齊姜。

諡齊也。

叔孫豹如宋。

公新立聘也。

冬仲孫蔑會晉荀瑩齊崔杼宋華元衛孫林父曹人邾人滕人薛人小邾人于戚。遂城虎牢。

虎牢。鄭之險也。鄭不能守。晉用魯仲孫謀。率諸侯城之。以逼鄭。鄭人懼而受成。或問曰。晉楚之爭。鄭何為也。故曰。欲代周而王耳。鄭密邇東周。得鄭則包舉雒邑。據九鼎。以號召諸侯。曰。若是則何不爭周而爭鄭。曰。周室雖微。猶為共主。晉楚雖強。其勢莫敢先發。以爭鄭為名。以得鄭為偽。爭鄭所以爭周也。得鄭所以得周也。然則春秋以鄭與晉乎。與楚乎。曰。鄭烏可以與人與之。鄭是與之。周不可以與楚。尤不可以與晉。曰。何謂其尤不可以與晉也。曰。天下一日無王。則亂。春秋無王。二百有餘年矣。仲尼以天下為已任。思藉

資于齊魯而不偶。屈指諸侯。晉爲戎首。受朝受貢。無異王者。其子孫業牛耳。其卿相驕恣。語云。人滿天槩。識者知晉祚將不長。故屬意莫如楚。楚地廣民衆。用之如順風。而呼其適楚也。先之以子夏。申之以冉求。身待于陳蔡之間者數年。驅車行其野。而聞鳳兮之歌。千載知心。無如狂接輿。生平足跡不入晉境。臨河一望。太息而返。每云。吾欲居九夷。乘桴浮於海。則其絕望中原之日久矣。子西之沮。昭王之不祿。天祝予。天祝予。曰。若是則仲尼以天下與楚矣。曰。非以天下與楚。不得已而思以楚與天下耳。文武不作。東周不振。徒然護此痿痺之軀。坐觀生靈塗炭。累百年不爲之所。而優游以待霸王之會盟。仲尼不若是其迂也。然則將奈何。曰。周可輔則輔之。不可則用伊周之權。乘湯武之資。削除僭亂。以安天下。春秋之志也。苟有用我。其何擇于楚。曰。若是則外中國與。曰。非也。天地之運。自北而南。洪荒以來。帝王起自西北。至周衰迄于五霸。二百餘年之間。中原元氣銷鑠殆盡。識者謂王氣將在東南。聖人儻亦前知之。故其刪詩首南風。而篇終服楚。春秋之于楚。若惓惓焉。詩與春秋一經。聖人心術隱微所寄也。學者亦可以窺一斑矣。若夫

春秋正義

守章句之說。謂春秋辨霸尊晉。則仲尼之作春秋也。守其為春秋而已邪。仲尼之視春秋敗局焉耳。儒者區區執尊中國攘夷狄一語。以該十二公之筆削。豈不淺陋迂拙而可哂也哉。

楚殺其大夫公子申

子申為右司馬。責屬國賂楚子殺之。

三年。春。楚公子嬰齊帥師伐吳。

無功。以憂卒。

公如晉。夏。四月。壬戌。公及晉侯盟于長檮。

檮晉地。

謀致齊也。是役也。公見晉侯稽首。禮諸侯見天子則

稽首。諸侯相見稽首。非禮也。春秋所以惡晉。

公至自晉。六月。公會單子。晉侯。宋公。衛侯。鄭伯。莒子。

邾子。齊世子光。已未。同盟于雞澤。

衛地。

晉求好于吳。合諸侯于雞澤。使荀會逆吳子。吳子不至。夫晉之求通于吳也。為撓楚耳。儒者謂楚吳皆夷。稱晉攘楚而不責晉事吳。持論豈得其平。

陳侯使袁僑如會。戊寅。叔孫豹及諸侯之大夫及陳袁僑盟。

楚令尹子辛貪。陳侯去之。使袁僑求成于晉。晉使諸大夫與袁僑盟。

春秋正義
卷一
五
秋。公至自會。○冬。晉荀罃帥師伐許。討其不會雞澤也。

四年。○春。王三月己酉。陳侯午卒。楚將伐陳。聞喪而止。

夏。叔孫豹如晉。

報知罃之聘也。

秋。七月。戊子。夫人嬖公作氏薨。

成公之妾。襄公母也。

葬陳成公。○八月。辛亥。葬我小君定姒。

冬。公如晉。

傳曰。聽政謂聽晉所命諸侯貢獻之數。友邦交際。有先王之禮在。賓主承筐。非有常數。取盈也。晉于諸侯。限以多寡。視國大小。是責諸侯以職貢。而身都王者之奉矣。世儒猶竊竊然以尊周諛晉。豈不謬哉。然春秋不詳舉其事。何也。凡貪淫瀆禮之事。非弑逆則不書。下之慢上也。極于弑君。而上之殘下也。極于殺大夫。春秋之義。包舉矣。

陳人圍頓。

楚使頓侵陳。陳圍之。

五年。○春。公至自晉。

夏鄭伯使公子發來聘

通嗣君也

叔孫豹鄆世子巫如晉

魯請屬鄆以助歲幣之貢。晉許焉。叔孫以鄆世子見

晉成屬也。夫以諸侯之附庸皆由晉制。寧復知有天

子乎。故春秋所惡莫如晉。

仲孫蔑衛孫林父會吳于善道

晉復以諸侯會吳使魯衛告期

秋大雩

楚殺其大夫公子壬夫

楚問陳叛對曰。令尹貪楚子殺壬夫。

公會晉侯宋公陳侯衛侯鄭伯曹伯莒子邾子滕子薛

伯齊世子光吳人鄆人于戚

晉為吳會也。吳子不至使其大夫來。按傳魯穆叔以

屬鄆不利使鄆大夫自會。故鄆稱人大夫也。則吳稱

人亦大夫也。吳大鄆小自宜。先吳後鄆皆大夫自宜。

先諸侯後大夫。豈以夷狄抑吳。以鄆不如夷狄。知父

子之謂乎。當是時晉之需吳亟矣。雞澤之盟迎之不

至。善道之會魯衛居間。十四國公侯世子相與欽遲。

吳一大夫。豈不辱哉。儒者曲生異說以掩會吳之失。

其枝梧牽強亦甚矣

公至自會○冬戍陳

魯與諸侯戍之晉命也

楚公子貞帥師伐陳○公會晉侯宋公衛侯鄭伯曹伯

齊世子光救陳

曹伯下公穀有莒子邾子滕子薛伯

楚子囊新為令尹討陳晉以諸侯之師救之

十有二月公至自救陳○辛未季孫行父卒

六年○春王三月壬午杞伯姑容卒

夏宋華弱來奔

華弱為宋司馬樂轡與之戲于朝而桔之以弓平公

見曰司武而桔于朝難以勝矣逐之

秋葬杞桓公○滕子來朝

莒人滅鄆

先是鄆以魯屬事晉輕莒無何魯歸鄆莒人襲而滅之按傳晉使人問魯何故亡鄆八年莒人伐魯疆鄆

田則鄆之見滅于莒明矣穀梁詭為例曰中國日卑

國月夷狄時鄆中國而時非滅也家有既亡國有既

滅胡氏謂如李園進妹不韋獻妾之類未知二傳何

所據或謂昭公四年魯復取鄆疑鄆寔未亡蓋是時

鄆已為莒邑猶稱鄆者本初也日月時舊史有詳畧

春秋正義
卷十
非例也

冬叔孫豹如邾

脩平也

季孫宿如晉

宿行父之子代父政如晉見且謝亡郟

十有二月齊侯滅萊

誅其君疆其田書甚齊也

七年○春邾子來朝○夏四月三卜邾不從乃免牲

小邾來朝

城費秘

季氏城私邑也行父歷相三君死無私積宿新代父

政首營私邑豈負荷之子與

秋季孫宿如衛

報元年公孫剽之聘且謝緩之非貳也

八月螽

冬十月衛侯使孫林父來聘壬戌及孫林父盟

拜武子之謝且尋盟為事晉也

楚公子貞帥師圍陳○十有二月公會晉侯宋公陳侯

衛侯曹伯莒子邾子于鄆為鄭地

救陳也

鄭伯髡頑如會未見諸侯丙戌卒于郟郟鄭地公穀作操

鄆之會鄭伯往子駟為相鄭伯不加禮焉子駟夜使

賊弑之于郟明日以瘞赴故書卒史傳疑也然則奚

不正之曰弑君大惡趙盾歸生情狀顯著則閱實以

蔽罪鄭駟楚虔蹤跡曖昧則因史以傳疑子云吾猶

及史之闕文此類是矣

陳侯逃歸

郟之會為救陳也而陳侯先逃既周章可哂矣諸侯

亦不量而預鄉鄰之闕使主人避客躑躅無歸儻所

謂烏合非與會盟之事至晉悼之季愈無足觀矣

八年○春王正月公如晉

晉命朝聘之數往聽也魯往則諸侯皆往前年命貢

今年命朝兼制八柄九賦寧詎吳楚竊虛號而已也

故如晉不絕書世儒猶謂春秋與晉豈不謬哉

夏葬鄭僖公

簡公嗣立羣公子以僖公之賊謀子駟子駟先辟羣

公子殺之

鄭人侵蔡獲公子燮穀作濕後同

為晉侵也獲蔡司馬子燮國人皆喜子產憂之

季孫宿會晉侯鄭伯齊人宋人衛人邾人于邢丘

晉改議朝聘之數使諸大夫聽命公親往鄭伯以獻
蔡捷往晉侯不會公而會季孫是使季孫無君也諸
侯朝聘天子三年五年有常期晉焉得受諸侯朝而
改舊章謂為方伯乎重耳攘得之非文武治命也昔
者文王嘗為方伯未聞受朝貢也其專恣不軌始于
重耳甚于驪而滿于周晉惡什伯吳楚而春秋不毛
舉第書其盟會侵伐謂千古是非自在不謂後世言
春秋者反艷稱之也

公至自晉

莒人伐我東鄙

疆鄙田也

秋九月大雩

冬楚公子貞帥師伐鄭

討其侵蔡也鄭及楚平

晉侯使士匄蓋來聘

徵兵伐鄭也

九年○春宋災炆作

外災弔則書是年秦約楚伐晉楚子師于武城應之
不書史不備也當是時晉誘吳人撓楚楚亦連秦以
脅晉晉近秦遠故史于晉詳于秦畧也

春秋直解 卷十
夏季孫宿如晉

報士匄也

五月辛酉夫人姜氏薨○秋八月癸未葬我小君穆公

繆姜

成公母也與僑如亂徙居東宮十有二年至是卒亦夫人小君何貶焉

冬公會晉侯宋公衛侯曹伯莒子邾子滕子薛伯杞伯

小邾子齊世子光伐鄭○十有二月己亥同盟于戲希鄭

地

晉以諸侯伐鄭鄭受盟曰惟有禮與疆可以託民者

是從晉使改盟鄭不可遂再伐師老而歸

楚子伐鄭

鄭復與楚盟

十年○春公會晉侯宋公衛侯曹伯莒子邾子滕子薛

伯杞伯小邾子齊世子光會吳于柎俗作查楚地

晉會吳子壽夢也三勤諸侯而始得一會吳會而東

南多事晉人為之也故春秋所惡莫如晉

夏五月甲午遂滅偃穀作陽

妘姓之國晉以諸侯之師滅之

公至自會

春秋正義 卷一
楚公子貞。鄭公孫輒帥師伐宋。

鄭從楚伐宋。衛人救之。鄭遂伐衛。衛獲其將。皇耳。

晉師伐秦。○秋。莒人伐我東鄙。

公會晉侯。宋公。衛侯。曹伯。莒子。邾子。齊世子光。滕子。薛伯。杞伯。小邾子。伐鄭。

鄭從楚也。

冬。盜殺鄭公子騂。公子發。公孫輒。

鄭尉止禦諸侯之師。獻獲。子駟抑之。尉止囚子駟。五姓之讐。助羣公子作亂。殺子駟。及子國。子耳于西宮之朝。不稱大夫。非國辟也。稱盜。黨衆而處也。

戊。鄭虎牢。楚公子貞帥師救鄭。

魯與諸侯伐之。晉命也。諸侯侵鄭。楚救之。

公至自伐鄭。

是歲。周大夫王叔伯與爭政。訟于晉。范宣子聽之。不書。為天王諱也。

十有一年。○春。王正月。作三軍。

萬二千五百人為軍。公侯國三軍。次國二軍。小國一軍。魯三軍制也。中業不足。猶在公。季孫宿始分為三。

三家各一。而公守虛名耳。

夏。四月。四卜。郊不從。乃不郊。

不郊幸之也

鄭公孫舍之帥師侵宋

鄭欲從晉而難于背楚子展謀曰伐宋以致晉怒晉以卻楚遂伐宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭

討其伐宋也

秋七月己未同盟于亳公穀城北

鄭從晉也

公至自伐鄭

楚子鄭伯伐宋

鄭受晉盟又從楚伐宋所謂怒晉而後辭楚子展之謀也

公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

晉復以諸侯伐鄭盟于城下遂會于蕭魚鄭從晉也終子展之謀

公至自會

楚人執鄭行人良霄穀作宵

鄭使良霄石鼻緯以從晉告于楚楚人執之

冬秦人伐晉

救鄭也戰于櫟晉師敗績

十有二年○春王三月莒人伐我東鄙圍台臺穀作郟季孫

宿師師救台遂入鄆

初莒人滅郟疆郟田及魯五年之內三伐魯季武子

帥師救之乘勝入鄆所謂應兵也說者起遂事之例

春秋大夫何事弗遂而獨致討于出疆李孫之專

豈但入鄆耳

夏晉侯使士魴房來聘

拜服鄭之師也

秋九月吳子乘卒

吳王壽夢卒長子諸樊讓國于其弟季札季札不受

棄室而耕諸樊乃立不書葬沒其僭王也

冬楚公子貞帥師侵宋

楚令尹子囊與秦庶長無地伐宋報晉伐鄭也不書

秦楚主也

公如晉

朝也拜士魴之聘

十有三年○春公至自晉○夏取郟詩公作詩

邾婁之邑

春秋正義 卷十 十一
秋九月庚辰楚子審卒

楚共王也

冬城防

防臧孫氏之食邑大夫城私邑非禮也語曰大其都者危其國傳謂書時非也時不書

十有四年○春王正月季孫宿叔老會晉士匄齊人宋

人衛人鄭公孫蠆

叙去聲
公作蠆

曹人莒人邾人滕人薛人杞

人小邾人會吳于向

鄭地

吳人伐楚楚敗之而獲吳公子黨吳使人告晉為向之會范宣子問其伐喪也數吳而退是役也魯以二

卿往三桓專魯為足恭以媚晉晉悅而輕魯人幣

二月乙未朔日有食之○夏四月叔孫豹會晉荀偃齊

人宋人衛北宮括鄭公孫蠆曹人莒人邾人滕人薛人

杞人小邾人伐秦

是役也晉卿帥不睦諸侯不整無功而還昔者小白

之合諸侯也莫盛于召陵葵丘惟齊魯宋衛陳鄭六

七大國勝薛而下不與焉所以恤小而節其力也重

耳寢侈而會不數悼公之世無歲不會雖杞小邾不

得免焉詩曰何草不黃何人不將仲尼以是蒿目而

憂也

已未衛侯出奔齊公作衛侯衍

衛獻公期孫林父甯殖食日盱不召而射鴻于圃三

子朝服從公不釋皮冠與言林父之子見公使人歌

巧言之卒章林父懼作亂殺諸公子獻公奔齊衛人

立公孫剽林父殖共相之

莒人伐我東鄙

報入鄆也

秋楚公子貞帥師伐吳

吳人婁于隘獲楚公子宜穀

冬季孫宿會晉士匄宋華閱衛孫林父鄭公孫蕞莒人

邾人于戚衛地

謀衛定公孫剽也戚孫氏邑孫林父逐其君殺君嗣

諸侯不討而臆就賊子會于私邑亦惟晉人為之

十有五年○春宋公使向戌來聘二月己亥及向戌盟

于劉魯地

宋向戌來聘不盟于國而盟于劉故不書公三桓專

也

劉夏逆王后于齊

魯為主也

夏齊侯伐我北鄙圍成公救成至遇魯地

齊貳于晉伐魯討其事晉也至遇不進也

季孫宿叔孫豹帥師城成郛敷

備齊也外城曰郛

秋八月丁巳日有食之○邾人伐我南鄙

冬十有一月癸亥晉侯周卒

十有六年○春王正月葬晉悼公

踰月葬速也將為泲局梁之會

三月公會晉侯宋公衛侯鄭伯曹伯莒子邾子薛伯杞

伯小邾子于澠梁

晉有親喪而會盟非禮也

戊寅大夫盟

諸侯有盟衰世之風也大夫盟風愈下矣前此大夫

會猶曰君不赴而使其臣故列名書地今諸侯已盟

大夫又盟是君盟不足重必大夫盟而後可也故書

大夫盟子云天下有道政不在大夫

晉人執莒子邾子以歸

討其侵魯通齊楚之使也大夫盟而執之是晉執諸

侯由大夫也以歸專也

齊侯伐我北鄙

魯附晉也

夏公至自會○五月甲子地震

叔老會鄭伯晉荀偃衛甯殖宋人伐許

許病鄭請遷于晉晉會諸侯遷之許大夫不可晉使

荀偃帥諸侯之師伐之鄭伯怨許請行楚救之晉敗

楚師于湛成反伐許而還先鄭戎首也

秋齊侯伐我北鄙圍成左作○大雩

冬叔孫豹如晉

告齊難也

十有七年○春王二月庚午邾子貜鏗公穀率○宋人

伐陳○夏衛石買帥師伐曹

衛孫林父之子蒯田于曹隧飲馬于重丘而毀其人

瓶重丘人詢垢之曰爾父逐君衛人為之伐曹取重

丘

秋齊侯伐我北鄙圍桃公作齊高厚帥師伐我北鄙圍

防高厚上左

甚齊也

九月大雩

宋華臣出奔陳

華臣戕殺公族宋公欲逐之向戌請蓋之會國人逐

瘞制狗闕入其家華臣駭奔陳

冬邾人伐我南鄙

為齊伐也

十有八年○春白狄來

求好也不言聘卑之不言朝不以齒滕薛也

夏晉人執衛行人石買

討其伐曹也

秋齊師穀作侯伐我北鄙○冬十月公會晉侯宋公衛侯

鄭伯曹伯莒子邾子滕子薛伯杞伯小邾子同圍齊

齊數伐魯諸侯不直齊故書同敗齊師于平陰至城

下焚其郭門東侵及濰南及沂而後還

曹伯負芻卒于師

楚公子午帥師伐鄭

鄭子嘉謀招楚師以去諸大夫而背晉楚伐鄭至純

門再宿還

十有九年○春王正月諸侯盟于祝柯公作阿晉人執邾

子

諸侯還自沂上遂為祝柯之盟謀邾也邾子再侵魯

故再見執

公至自伐齊○取邾田自濶畫水

晉與諸侯之師次泗上疆魯取邾田自濶水皆歸于

季孫宿如晉

拜伐齊也

葬曹成公

夏衛孫林父帥師伐齊

伐齊之師還及河晉荀偃病死晉欒魴復與衛孫林

父伐齊不書晉甚衛也不書欒魴甚林父也林父身

犯大逆為晉走狗求免小人之尤者與

秋七月辛卯齊侯環公作卒

齊靈公嬖其妾戎子而立其子牙靈公病崔杼立太

子光執子牙殺戎子尸諸朝

晉士匄帥師侵齊至穀聞齊侯卒乃還

八月丙辰仲孫蔑卒

齊殺其大夫高厚

崔杼殺高厚于灑藍而兼其室傳不詳其故

鄭殺其大夫公子嘉

初盜殺三卿子嘉預謀又招楚師為純門之役國人

惡而殺之

冬葬齊靈公

城西郭

備齊也

叔孫豹會晉士匄于柯衛地

先是齊及晉平為大隧之盟魯疑齊人間已于是有柯之會晉人所以馭齊魯者甚譎而齊魯不悟也

城武城

備齊也齊晉合而魯之防齊愈嚴矣齊魯相疑晉之利也

二十年○春王正月辛亥仲孫速公作速會莒人盟于向

釋怨也

夏六月庚申公會晉侯齊侯宋公衛侯鄭伯曹伯莒子

邾子滕子薛伯杞伯小邾子盟于澶塵淵 衛地

齊及晉平說者謂感于士匄之不伐喪非也亡脣棄輔雖欲不平得乎

秋公至自會

仲孫速帥師伐邾

邾以鄆田故侵魯魯人報之

蔡殺其大夫公子燮蔡公子履出奔楚

公子燮欲以蔡從晉蔡人殺之子燮之弟子履懼而奔楚

陳侯之弟黃公穀作光出奔楚

陳慶虎慶寅愬公子黃于楚曰是與蔡同謀楚以為
討子黃如楚自理春秋于其出其歸皆錄之惡在其
為外楚也

叔老如齊

脩好也

冬十月丙辰朔日有食之

季孫宿如宋

報向戌之聘

二十有一年○春王正月公如晉

拜師及邾田也

邾庶其以漆閭丘來奔

庶其邾大夫以二邑叛于魯季武子納之妻以公姊
使卽其邑食臧孫紇謂之賞盜

夏公至自晉

秋晉欒盈出奔楚

欒厲之妻欒祁范宣子之女生盈而寡私其家老州
賓懼盈以討譖盈于宣子曰是將叛宣子遂逐盈奔
楚盡殺其黨十大夫嗟乎母淫而譖子臣侈以逼君
四維不張晉其可知矣

九月庚戌朔日有食之○冬十月庚辰朔日有食之

曹伯來朝

公會晉侯齊侯宋公衛侯鄭伯曹伯莒子邾子于商任
錮欒氏也

二十有二年○春王正月公至自會○夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾子薛伯

杞伯小邾子于沙隨

宋地邾子下
公穀有滕子

再錮欒氏也時欒盈在齊齊會詐也

公至自會

楚殺其大夫公子追舒

追舒之為令尹也寵觀起而富之楚子轅觀起殺追
舒尸諸朝

二十有三年○春王二月癸酉朔日有食之

三月己巳祀伯冏卒

夏邾畀鼻公作我來奔

畀我邾婁大夫來奔則書說者謂夷狄無大夫誕也
邾婁猶然而況秦楚乎

葬杞孝公

陳殺其大夫慶虎及慶寅○陳侯之弟黃自楚歸于陳

陳侯朝于楚二慶以陳叛楚圍之陳人殺二慶子黃

復國說者謂春秋罪子黃之自楚歸也何居
晉欒盈復入于晉入于曲沃

晉將嫁女于吳齊侯使析歸父媵之以藩載欒盈納
于曲沃因大夫胥午率曲沃人伐絳士鞅禦之盈敗
走曲沃晉人圍之

秋齊侯伐衛遂伐晉

乘晉亂報平陰之役遂取晉朝歌

八月叔孫豹帥師救晉次于雍榆晉地

此魯人報德之師也然遠事晉而近讐齊其于輔車
之計左矣雖然齊魯世讐力不能得志于齊而恭順

有禮于諸侯諸侯親之故鞏之役平陰之戰齊憊矣
皆魯也律以春秋之義齊魯等而較其時勢情形為
魯計無以踰此此老聃所謂天下之至柔馳騁天下
之至剛者春秋之義亦備矣

己卯仲孫速卒

孟莊子有疾子秩長而未樹庶子羯欲奪之謀諸公
鉏鋤公鉏者季武子長子也武子先用臧紇謀廢之

而立其庶悼子公鉏於是賢羯于季武子曰唯才何
長之有請為孟孫立之蓋承父之弊而樹德于羯以
報臧紇也

冬十月乙亥。滅孫紇。覈出奔邾。

孟孫羯立。乃為公鉏。譖滅紇于季氏。曰：滅氏將為亂。不使我葬。滅紇聞之。設備。季孫疑之。攻滅氏。紇斬關出奔邾。還入于防。使其兄滅賈。滅為請立。後魯立為君。乃去仲尼所謂要君也。

晉人殺欒盈。

晉人克欒盈于曲沃。盡殺其族黨。君子曰：晉之錮欒盈也。無復世臣之禮。而欒盈之為臣。亦無復事君之義。所謂犬馬寇讐也。故春秋不稱大夫。書晉人殺欒盈。討賊之辭。

齊侯襲莒。

齊莊公還自伐晉。遂襲莒。

二十有四年。○春。叔孫豹如晉。

省齊難也。

仲孫羯結帥師侵齊。

晉命也。齊魯脩好未三年。而還相讐。皆晉為之。齊魯睦。晉不利也。

夏。楚子伐吳。

以舟師伐吳。不為軍政。無功而還。

秋。七月甲子朔。日有食之。既。○齊崔杼帥師伐莒。○大

春秋直解 卷十
水○八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞

伯小邾子于夷陳公作儀衛地

謀伐齊以水患不克

冬楚子蔡侯陳侯許男伐鄭

齊以晉難乞師于楚楚為伐鄭以救之

公至自會

陳鍼虔宜咎出奔楚

陳人復討慶氏之黨鍼宜咎奔楚

叔孫豹如京師

齊人城郊魯賀成也不書城齊事也

大饑

二十有五年○春齊崔杼帥師伐我北鄙

報仲孫羯之侵也

夏五月乙亥齊崔杼弑其君光

崔杼娶棠公之嫠離而美莊公通焉崔子稱疾誘莊

公入室弑之立靈公庶子杵臼是為景公與慶封相

之嗟乎齊光殺弟尸庶母以崔杼為心膂一朝反噬

哉及其身未幾慶封滅杼盧蒲癸王何滅慶封天道

好還豈爽毫髮

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

伐齊也齊賂晉晉人許成嗟乎弑君之賊法所必討晉爲盟主而惟利是視衛孫林父甯殖逐其君爲晉爪牙十年保首領沒使其君流離老于他邦惡如崔杼竟以賂免亂臣賊子釁孽滔天輦致金帛西向事晉則君可弑國可篡莫敢誰何矣以此主諸侯儒者猶加辨藉豈春秋之義與

六月壬子鄭公孫舍之帥師入陳

初陳侯從于楚子伐鄭鄭人怨之所以報也

秋八月己巳諸侯同盟于重丘

定齊光也

公至自會

衛侯入于夷儀

衛邑

衛獻公奔齊至是十年矣夷儀之會晉使人召之遂居之於夷儀

楚屈建帥師滅舒鳩

舒鳩叛楚也

冬鄭公孫夏

公作

帥師伐陳

子產獻入陳之功于晉遂再伐陳陳及鄭平

十有二月吳子遏公穀作謁伐楚門于巢卒

吳王諸樊伐楚報舟師之役攻巢門門者射之殪于乘之君而死于矢故書卒以諱之闔閭之死亦然

二十有六年○春王二月辛卯衛甯喜弒其君剽去聲去

納獻公也殖逐君而立一君喜弒君而復一君父子濟惡世卿所以禍人國也

衛孫林父入于戚以叛

初甯殖之逐君也林父實主之獻公復林父遂以戚叛于晉衛人攻之晉人戍之于是有澶淵之會

甲午衛侯衎看去聲復歸于衛

獻公見逐今十有二年乃復

夏晉侯使荀吳來聘

徵會討衛為孫氏也

公會晉人鄭良霄宋人曹人于澶淵

晉平公使趙武疆戚盡取衛西部田與孫氏衛侯至則執而囚之齊鄭二君為請不許衛侯納其女而後

許之其貪淫無禮橫目而豺狼耳說者猶謂為盟主疆諸侯事之何居

秋宋公殺其世子痤座平聲

宋寺人伊戾為太子內師無寵楚使過宋太子享于

春秋正義 卷十
野伊戾爲坎。用牲加書。馳告公曰。太子與楚客盟。將叛。公囚痤。痤自縊死。書公殺甚之也。

晉人執衛甯喜

甯氏父子無君之惡。一也。父附晉。以兔子背晉。而見執。孫林父甯喜之惡。亦一也。喜背晉。見執。林父附晉。以免。然則晉非執弑君。執不附已者。

八月壬午。許男甯卒于楚。○冬。楚子蔡侯陳侯伐鄭。

葬許靈公

初。晉之伐許也。以諸大夫行。獨鄭伯請從。許靈公欲報之。如楚乞師。遂卒。楚爲之伐鄭。墮南里。乃葬。

二十七年。○春。齊侯使慶封來聘。

齊景公新立也。

夏。叔孫豹會晉趙武。楚屈建。蔡公孫歸生。衛石惡。陳孔奐。鄭良霄。許人曹人于宋。

宋向戌善晉趙文子。又善楚令尹子木。以弭兵說晉。楚。晉。楚人許之。諸大夫會于宋。議晉楚之屬。交相朝也。

衛殺其大夫甯喜

甯喜者。獻之勲。殤之賊也。獻公惡其專殺之。非爲討賊也。故不與殺陳佗。夏。徵舒。欒盈。同辭。

衛侯之弟鮒轉殺出奔晉

初甯喜之納獻公也獻公使鮒盟喜喜誅鮒恥食言

去之終身不仕書以惜之

秋七月辛巳豹及諸侯之大夫盟于宋

晉楚各以其屬諸侯見乃盟不列諸大夫蒙前會宋

之文也

冬十有二月乙亥朔日有食之

二十有八年○春無冰○夏衛石惡出奔晉

衛討甯氏之黨也

邾子來朝○秋八月大雩

仲孫錫如晉

告朝楚也

冬齊慶封來奔

崔杼嬖東郭姜之子與羣子交構慶封乘亂殲其家

遂殺杼經不書書慶封奔何也崔杼之惡極于弑君

齊不能討而以家難羣小自殞不足書慶封以賊黨

父子濟惡樂高陳鮑諸大夫相與圖之伐國門犯公

宮不克亡命書誌亂也

十有一月公如楚

朝也書如楚與晉同辭則是春秋未嘗殊楚也說者

以如楚為事夷狄何居時諸侯皆如楚不書而書公史以君舉書也儻事夷狄乎外諸侯亦書矣

十有二月甲寅天王崩

按傳靈王崩于癸巳書甲寅以赴日為崩日史誤也經因之傳疑也不書葬魯不會也朝楚而不葬王不待貶而失可知也

乙未楚子昭卒

楚康王卒諸侯之朝楚者中道反魯公往

二十有九年○春王正月公在楚

楚止公送葬使襚不書諱也

夏五月公至自楚

公還及方城聞季武子取卞不敢歸榮成伯勸之乃歸大夫取公邑而不能問何以為君

庚午衛侯衎卒

閻弒吳子餘祭債

吳子俘越人而刑以為閻使守舟吳子觀舟閻弒之禮謂不近刑人本此

仲孫羯會晉荀盈齊高止宋華定衛世叔儀公作齊鄭公

孫段曹人莒人滕人薛人小邾人城杞公穀莒人下有邾人

杞晉平公母家也晉使諸侯城之

晉侯使士鞅來聘

拜城杞也

杞子來盟

晉使魯及杞侵田與杞盟

吳子使札來聘

札不書族史尊內也君在臣不族而春秋未嘗夷吳亦可知也說者謂惡其以讓國禍宜僚貶書各鑿也吳王壽夢子四人長諸樊次餘祭次夷昧次札諸樊舍其子光立弟欲以及札夫越三君而寄及之難必之數也諸樊立十三年餘祭十七年夷昧四年凡三

十四年而三君盡適然耳使三君永年而季札早世安所委國哉是國之及札本無心不受之志已決于諸樊死之日豈俟夷昧卒而後責札之不受也邪今不罪餘祭夷昧貪以奪嫡而責季札廉以賈禍豈不迂乎夫才如管仲節如子臧求名不得書札來嘉予厚矣若夫族氏官爵不書者什九春秋是非不在一字之增減而在理之得失與人心之是非奈何歟歟然多端也

秋七月葬衛獻公

齊高止出奔北燕

高止專。公孫董、公孫竈、共逐之。

冬，仲孫羯如晉。

報士鞅也。

三十年。○春，王正月，楚子使遠委罷皮來聘。

楚郊敖嗣立通好也。

夏，四月，蔡世子般班弒其君固。

蔡景侯淫其子婦，其子弒之。所謂不父不子，天下之大惡也。如世儒例，若為書而不可。日史逸也。穀梁謂為夷之乎。夫盟會侵伐，死喪出奔之類，不日多矣。豈皆夷之乎。日亦多矣。豈皆與之乎。

五月甲午，宋災。伯姬卒。公穀無宋字

卒于災也。伯姬寡居，夜失火，左右請出，伯姬以婦人無傅姆，宵不下堂，逮焚而死。按成公九年，伯姬歸宋為婦者四十年。宋共公以成公十五年卒，姬獨居三十五年，老矣。變起倉卒，不肯宵行而守禮以死，其女士也哉。書惜之。

天王殺其弟佞。年公作夫。王子瑕奔晉。

周儋括作亂，謀立景王弟佞。夫佞夫寔弗與，知王遂殺佞夫。儋括奔晉，書曰：殺其弟甚之也。三年之喪未除而殺其母弟甚之也。

秋七月叔弓如宋葬宋共恭姬宋穀無字書共姬恭之也

鄭良霄出奔許自許入于鄭鄭人殺良霄

良霄酤于酒侵侮宗人子皙以駟氏之甲伐之良霄奔許復入駟帶率國人殺之不書殺大夫蒙出奔之文也無例可知

冬十月葬蔡景公

蔡般葬父魯會故書說者謂賊不討不書葬若蔡般其誰討之胡氏謂書以責諸侯之會者若是則聖人欲人之哀死與

晉人齊人宋人衛人鄭人曹人莒人邾人滕人薛人杞人小邾人會于澶淵宋災故

自宋之盟諸侯無兵車之會者三年矣二十九年會于祀城也今年會于澶淵宋災也故經皆詳其事是會也諸侯議賑宋而魯不與何也伯姬魯女也叔弓先如宋故不與會

三十有一年○春王正月

夏六月辛巳公薨于楚宮

楚宮別寢也公適楚作故名

秋九月癸巳子野卒

傳稱襄公之喪公子野立。次于季氏毀而卒。季孫立子稠。是為昭公。按春秋魯喪書子卒者三。莊公喪而卒。子般文公喪而卒。子惡。襄公喪而卒。子野。皆微辭。子般死于慶父。子惡死于仲遂。而子野獨死于毀乎。居喪而毀。孝子也。季孫所以不利。公子稠年十九而有童心。居喪不衰。季氏所欲立也。

己亥仲孫羯卒。

冬十月滕子來會葬。○癸酉葬我君襄公。

十有一月莒人弑其君密州。

按傳莒子虐國人患之。又廢其樹。子展與展與因國人弑父自立。不書展與謀始國人也。非閔竇不敢蔽。詳慎之至也。說者信傳而疑經。有隱。胡氏信經而謂傳有錯。皆不達于春秋之義者。

春秋直解卷十終

春秋直解

卷十

三十一

春秋直解卷十一

春秋直解卷十一

郝敬解

昭公名裯襄公子在位三十二年

元年○春王正月公即位

叔孫豹會晉趙武楚公子圍齊國弱公作宋向戌衛齊

公作惡陳公子招蔡公孫歸生鄭罕公作虎許人曹人

于虢公作郭

尋宋之盟也宋虢之盟楚皆先歆禮不以新聞舊故

書皆先晉

三月取鄆

春秋直解

卷十一

一

昭元年

號之會以弭兵也。豹會而季孫取鄆。楚人遂執豹。趙武為請而釋之。不書諱也。

夏。秦伯之弟鍼虔出奔晉。

鍼，秦景公母弟。國人如二君。母夫人戒之去，勿及禍。鍼遂適晉，書弟，甚秦伯也。

六月丁巳，邾子華卒。

晉荀吳帥師敗狄于大鹵。晉地，公穀作大原。

是役也。晉以步卒薄狄于險，胡氏遂謂譏改車戰鑿也。

秋。莒去疾自齊入于莒。莒展輿出奔吳。公穀無與字。

初，莒人弑其君，立展輿。展輿之弟去疾，齊出也。奔齊，展輿立而奪羣公子秩。羣公子召去疾，齊人納之。展輿奔吳。

叔弓帥師，疆鄆田。

乘莒亂也。

冬十有一月己酉，楚子麇羣，公穀作卷卒。

楚子有疾，令尹子圍入問疾，遂縊殺之。以卒赴，故書卒。不正之何也？子圍素行無禮，眾惡皆歸宮庭，事隱傳疑，故與鄭髡頑之死皆不書。弑君，莒子庶其密州死，皆不書。弑父，慎重之至也。

楚公子比出奔晉

康王與子圍子比子皙棄疾五人皆共王子也子麋康王子麋死子圍自立是為靈王葬麋于郊甲謂之

郊敖

二年○春晉侯使韓起來聘

韓起新為政聘魯遂適齊執政而為行人重失齊魯也

夏叔弓如晉

報韓起也

秋鄭殺其大夫公孫黑

鄭子皙既殺良霄愈侈將攻游氏代其位子產使吏數其罪縊殺之

冬公如晉至河乃復季孫宿如晉

晉平公嬖妾少姜死魯昭公往弔及河晉使人辭公季孫宿往夫諸侯而奔諸侯妾之喪非禮也晉以非伉儷辭是也胡氏謂公不當遂復果仲尼之意乎仲尼謂晉不有公有季孫云爾

三年○春王正月丁未滕子原

公作泉

卒○夏叔弓如滕

○五月葬滕成公

魯襄公之葬滕子來滕葬故魯報之

秋小邾子來朝○八月大雩○冬大雨去聲雹薄

北燕伯款出奔齊
燕簡公欲去諸大夫立嬖人諸大夫作亂公奔齊稱

北遠也燕距中原千里而遙與山戎雜處仲尼未有
以夷之世儒欲夷楚何居

四年○春王正月大雨雹公穀作雪

夏楚子蔡侯陳侯鄭伯許男徐子滕子頓子胡子沈審
子小邾子宋世子佐淮夷會于申

楚圍無道其合諸侯也亦序于諸侯上執徐子伐吳
討慶封滅賴皆據事實錄春秋無私如天地美惡聽

物之自肖而何擇于晉楚若淮夷夷也則夷之以後
于諸侯春秋之義無隱乎爾

楚人執徐子

楚子以諸侯伐吳徐子吳出也疑其將貳于吳執之
書甚楚也

秋七月楚子蔡侯陳侯許男頓子胡子沈子淮夷伐吳
執齊慶封殺之

初慶封奔魯齊人讓魯遂奔吳居于朱方楚子入吳
執而殺之討賊之辭也

遂滅賴公穀作厲

甚楚也

九月取鄆

鄆以襄公六年併于莒。至是魯人取之。鄆由魯亡。而魯不能復。猶稱鄆以存亡也。

冬十有二月乙卯叔孫豹卒

五年○春王正月舍釋中軍

襄公十一年魯作三軍。三桓各取一。季氏盡入之。孟氏叔氏歸稍于公。至是四分公室。季取二。孟叔各一。而公家無與焉。舍言釋也。若曰公將中軍。今釋之云爾。本臣奪而曰君釋。本公禘而曰中軍。春秋之辭微。

婉正直游夏所以不能贊也

楚殺其大夫屈申

以其貳于吳也

公如晉

朝也

夏莒牟夷以牟婁及防茲來奔

牟夷莒大夫以其食邑牟婁及公邑防茲叛于魯。魯納之。季孫宿爲政也。

秋七月公至自晉

莒人以魯納牟夷愬于晉。晉將止公。范鞅請釋之。以

師討

戊辰叔弓帥師于蚡

念魯地公作泉
潰穀作賁

莒討納牟夷魯人敗之

秦伯卒

不名史闕也

冬楚子蔡侯陳侯許男頓子沈子徐人越人伐吳

吳以朱方之怨伐楚楚以諸侯之師報之無功還頓

沈徐越皆楚屬書與陳蔡齒越後禹徐後伯益皆神

明之胄鳥得而夷之世儒鑿也

六年○春王正月杞伯益姑卒○葬秦景公

夏季孫宿如晉

季孫懼晉之討納牟夷也以賂往晉享之辭加邊平

公以為知禮重其好貨夫納人叛臣貪其上蔑視其

君而側媚強大以求容春秋所以惡于晉與季氏也

葬杞文公

宋華合比出奔衛

宋寺人柳有寵于平公太子佐惡之右師華合比謀

誅柳柳譖于宋公遂合比寺人禍薦紳自古然矣

秋九月大雩

楚遠罷帥師伐吳

楚伐徐吳救之楚遂伐吳吳敗楚師于房鍾
冬叔弓如楚

弔敗也

齊侯伐北燕

納簡公也

七年○春王正月暨齊平

魯暨也先是齊慶封在吳齊景公病吳孟子所謂涕
出而女也時魯昭公娶于吳又善楚故齊人求平魯
暨之平左傳謂燕與齊平誤也春秋外事未有不國
者惟內事稱及暨及也

三月公如楚

楚子成章華之臺求諸侯落之魯昭公往季孫聞公
于晉謂公之貳于楚也晉始衞公

叔孫婁緡公作舍如齊蒞盟

暨平也公時如楚

夏四月甲辰朔日有食之○秋八月戊辰衛侯惡卒
衛襄公卒子元立是為靈公元母兄孟縶足不良于
行故廢

九月公至自楚

章華之遊七月而後返季氏之譖行而放逐之謀成

矣

冬十有一月癸未季孫宿卒

武子卒悼子嗣悼子卒子意如嗣是為平子

十有二月癸亥葬衛襄公

八年○春陳侯之弟招殺陳世子偃師

陳哀公元妃生世子偃師嬖妾生雷公以雷屬其弟

招與大夫過公病招殺偃師立雷

夏四月辛丑陳侯溺卒

陳招殺世子國內亂陳侯自縊死

叔弓如晉

晉平公築虎斯祁宮成諸侯皆賀

楚人執陳行人于徵師殺之

陳使于徵師以喪赴于楚且告立君楚執而殺之討

其殺世子也非使者罪故書行人

陳公子雷出奔鄭

懼楚也

秋蒐于紅

革車千乘三家自閱也

陳人殺其大夫公子過

陳招歸咎子過以說于楚

大雩○冬十月壬午楚師滅陳執陳公子招放之于越

殺陳孔奐公作

楚滅陳以為縣使穿封戌為陳公

葬陳哀公

哀公故嬖臣袁克葬公而殺其馬毀玉焉義也倉卒舉事魯會未可知經亦書葬不欲亡陳而沒袁克之誼也春秋可以例求乎

九年○春叔弓會楚子于陳

時楚子在陳魯宋鄭衛皆使其大夫問起居是年晉與周爭閭田晉率陸渾之戎伐周不書為天王諱也

許遷于夷

初許遷葉復自葉遷夷夷城父也楚遷之不書楚猶齊遷邢衛不書齊也春秋之義貴大公

夏四月陳災公穀作火

陳亡後六年乃復猶書陳存亡也

秋仲孫矍矍如齊

復通好也

冬築郎囿

營不急也左傳于凡冬役稱時時則不書政善民安春秋不作矣

十年○春王正月○夏齊公作晉欒施來奔

齊子雅子尾惠族也子雅之後為欒氏子尾之後為

高氏欒施高彊嗜酒信內而多怨與陳鮑交惡或告

陳無宇鮑國曰欒高將攻汝陳鮑先發欒高劫公伐

之不勝奔魯陳鮑分其室陳桓子盡以所分獻于公

請老焉公與之高唐欒高去而陳益大矣

秋七月季孫意公作隱如叔弓仲孫矍帥師伐莒

三家同伐莒取鄭哽用莒人于社臧武仲聞而佻之

戊子晉侯彪卒○九月叔孫婁如晉葬晉平公

諸侯之大夫會者十三國天王之喪蔑如也

冬十有二月甲子宋公成卒成公作戊

十有一年○春王二月叔弓如宋葬宋平公

夏四月丁巳楚子虔誘蔡侯般班殺之于申

蔡般弑父篡國十有三年諸侯不討幾幸免矣楚虔

一舉身死國亡詩曰趨趨龜兔遇犬獲之叔向所謂

天之假手者與

楚公子棄疾帥師圍蔡

罪人既討而又貪其國甚楚也

五月甲申夫人歸氏薨

襄公妾昭公之母也

大蒐于比皮蒲

魯自中軍毀而公賦盡歸三家矣書大蒐傷委轡之不收也君母新喪而講于戎政叔向謂魯有三年之喪無一日之戚宜其見哂于君子矣

仲孫貜會邾子盟于裨祥公作侵羊

新喪而會盟非禮也

秋季孫意如會晉韓起齊國弱宋華亥衛北宮佗鄭

罕虎曹人杞人于厥慙銀去聲公作屈銀

謀救蔡也晉使人請于楚楚弗許蔡旦夕亡矣諸侯不纓冠往而使二三臣築舍道旁其何能濟天下有道則政不在大夫說者謂仲尼有取于厥慙之會不然矣

九月己亥葬我小君齊歸

齊諡歸姓

冬十有一月丁酉楚師滅蔡執蔡世子有以歸用之

楚滅蔡城不羹以公子棄疾為蔡公夫蔡般雖賊父之子楚虐非討賊之君賊討則已矣又滅其國取其子用以為牲貪如狼毒如虺靈所以為靈也當是時

蔡有以彈丸之王君死國危楚以方張全力環而攻之者八月流離之子枝梧飲血力屈就義雖不共之恨

未酬而枕戈之志已畢。春秋所以惜之。十有二年。○春。齊高偃帥師納北燕伯于陽。燕簡公奔齊。十年。至是歸。

三月壬申。鄭伯嘉卒。

夏。宋公使華定來聘。

宋元公新立也。

公如晉。至河乃復。

朝晉也。先是三家伐莒。取鄭。莒人愬于晉。故晉辭公。公使子愁往。

五月葬鄭簡公。

楚殺其大夫成熊。公作然。穀作虎。

楚子以讒殺之。

秋七月。○冬十月。公子愁公穀作整出奔齊。

南蒯為費宰。季平子示加禮焉。蒯與公子愁叔仲小。謀出季氏。愁從。公如晉。蒯以費叛于齊。愁還及郊。聞變。遂奔齊。

楚子伐徐。

楚子使蕩侯潘子等帥師圍徐。身次于乾谿。以為援。晉伐鮮虞。

白狄之種也。晉荀吳偽為會齊師而假道。遂入之。

昭十五年十三年

十有三年○春叔弓帥師圍費秘

討南蒯也

夏四月楚公子比自晉歸于楚弑其君虔于乾干谿

初觀起之誅也其子觀從在蔡棄疾為蔡公靈王次

于乾谿觀從說棄疾召公子比以所統不義之衆納

子比為王靈王聞變還及訾梁衆潰自縊死夫始謀

者觀從也動衆者棄疾也而為王則公子比也弑君

主為王者

楚公子棄疾殺公子比

子比謂圍可代兄則已亦可代圍棄疾謂已亦可代

比詩云爾之教矣民胥效矣轉相屠戮烏乎宜哉

秋公會劉子晉侯齊侯宋公衛侯鄭伯曹伯莒子邾子

滕子薛伯杞伯小邾子于平丘

晉自魯襄公二十五年夷儀之會失諸侯十九年矣

康靈張楚晉同寒灰熊虔死晉突發其甲車四千乘

耀武邾南脅齊人盟聽邾莒之愬辱魯君臣于會是

臧紇所笑齊莊之功如鼠者也世儒強春秋與之何

與

八月甲戌同盟于平丘

會而後盟齊不服強而後可也

春秋正義 卷十一
公不與預盟晉人執季孫意如以歸

初晉以公貳于楚銜之是會也邾莒人共愬于晉曰魯朝夕伐我晉侯遂不見公不與盟執季孫意如以歸

歸

公至自會

蔡侯廬歸于蔡陳侯吳歸于陳

楚棄疾立是為平王使蔡世子之子廬陳世子之子吳各還其國書歸不與楚復也諸侯自有國非天子誰得而亡之誰得而復之

冬十月葬蔡靈公

蔡般身死國滅二年矣蔡廬復國乃葬

公如晉至河乃復

季孫意如執于晉昭公將往荀吳辭釋季孫也公往不利于季孫

吳滅州來

十有四年○春意如至自晉○三月曹伯滕卒○夏四月

月○秋葬曹武公○八月莒子去疾卒

冬莒殺其公子意恢奎

莒子卒大夫茲父殺公子意恢迎莒子弟庚與于齊立之

十有五年○春王正月吳子夷昧卒

二月癸酉有事于武宮籥入叔弓卒去籥卒事

魯有武宮自季孫行父始諸侯五廟而增脩世室非禮也祭舉樂作聞大夫喪而徹是輕祖考而重臣庶亦非禮也

夏蔡朝昭作吳出奔鄭出字公無

朝吳故蔡大夫聲子之子與觀從謀復蔡亦蔡之忠謀臣也費無極間于蔡人使逐之平王弗察卒以無極之譖出蔡侯朱廢太子建殺連尹伍奢啓吳師入郢之禍詩云讒人罔極交亂四國可不畏哉

六月丁巳朔日有食之

秋晉荀吳帥師伐鮮虞

荀吳伐鮮虞圍鼓鼓之叛人以城降不受未幾鼓人叛遂滅之是二鼓兩吳也君子曰假仁不成詐力鮮終故經書伐鮮虞而不及鼓功說者謂書名氏為予之謬也

冬公如晉

平丘不會兩及河見卻復往晉人遂止之

十有六年○春齊侯伐徐

齊景公及徐子郊人莒人盟于蒲隧徐子賂齊以甲

春秋正義 卷十一 十五
父之鼎齊主東盟而晉業衰矣

楚子誘戎蠻公作曼子殺之

書甚楚也

夏公至自晉

昭公以去年冬如晉至是始歸不書晉止諱也

秋八月己亥晉侯夷卒○九月大雩○季孫意如如晉

○冬十月葬晉昭公

十有七年○春小邾子來朝

魯既早矣小國猶有朝者晉亦早矣諸侯猶有往者此不畏其君而畏強臣耳以力服人諸侯不可況大

夫乎春秋之事聖人難言之矣

夏六月甲戌朔日有食之○秋邾子來朝

八月晉荀吳帥師滅陸渾公作賁之戎穀無之字

伊雒有戎晉人寔植之植戎于雒將以逼周戎貳于

楚遂滅戎戎滅而晉壤界周京矣計周適于戎與適

于晉何吳顧周末亡而晉先分天道所以擬夫滿者

冬有星孛佩于大辰

記異也彗為孛心星為大辰

楚人及吳戰于長岸楚地

楚敗吳師獲其王舟餘皇

十有八年○春王三月曹伯須卒

夏五月壬午宋衛陳鄭災

四國同日火異也

六月邾子入邾

舉

邾人襲邾盡俘其帑以歸

秋葬曹平公

冬許遷于白羽

楚邑

初許通于鄭而依楚遷葉魯昭公九年遷夷十五年
反葉又遷白羽五十餘年間國四遷詩云哀我憚人
亦可息也明王不作寡弱何以自存乎

十有九年○春宋公伐邾

邾君夫人宋向戍之女向寧為請于宋公伐之而盡
歸其俘

夏五月戊辰許世子止弒其君買

左傳許悼公瘡飲太子藥而卒太子奔晉書弒直之
也公羊紆其說謂止為孝子故公羊者春秋之楊墨
也

巳卯地震

秋齊高發帥師伐莒

莒不事齊也

冬葬許悼公

凡葬會則書公羊以為春秋赦止穀梁以為不使止為弑父是何言與蓋求諸討賊書葬之例不合而肆為邪說也

二十年○春王正月○夏曹公孫會自鄆蒙穀作夢出奔宋

公孫會曹大夫出奔宋傳不詳其故公羊揣為子臧之後以邑叛為賢者之後諱夫子臧之節春秋不錄何為其子孫諱逆大夫多賢者後而皆諱則無一書矣春秋政在大夫出奔必書何諱之有

秋盜殺衛侯之兄縶公穀作輒

衛靈公母兄孟縶惡齊豹豹薦宗魯為縶驂乘使人刺縶于車中宗魯死之故書盜殺是舉也北宮喜褚師圃惡縶公子朝通于君母襄夫人皆與謀靈公避之境上北宮喜之宰殺豹子朝師圃奔晉靈公與北宮喜盟而入遂殺襄夫人是殺其嫡母也聖人于此不欲直之第提其本事云爾

冬十月宋華亥向寧公作甯華定出奔陳

宋華向二族專元公惡之華亥偽病誘羣公子于家殺之劫公與盟質公子司馬華費遂攻之出奔陳十有一月辛卯蔡侯廬卒

二十有一年○春王三月葬蔡平公
夏晉侯使士鞅來聘

時叔孫婁執魯政季孫嫉之使有司殺禮以怒晉使
魯人懼而加四牢焉為十一牢具

宋華亥向寧華定自陳入于宋南里以叛公作

宋司馬華費遂之子貍為少司馬貍弟多僚為御士
多僚譖其兄于公曰貍將納亡人公告費遂而逐貍
貍與其臣張勾等劫費遂殺多僚招華亥等入南里
以叛

秋七月壬午朔日有食之○八月己亥叔輒公作卒

冬蔡侯朱穀作出奔楚

蔡侯廬卒子朱立蔡東國者楚靈王所誅蔡世子子
也費無極徵貨于東國使蔡人立之而逐朱朱歸楚
自愬平王不問也

公如晉至河乃復

左傳謂晉有鮮虞之役辭公非也晉六卿魯三桓之
黨昭公不見悅于魯而欲見禮于晉乎往則郤豈必
鮮虞耳

二十有二年○春齊侯伐莒

莒人欲賂齊莒子弗許齊伐之為城下之盟莒人於

是尤其君

宋華亥向寧華定自宋南里出奔楚

初宋華向之亂也華登奔吳吳人助之齊晉曹衛助
宋殺張匄進圍南里華登乞師于楚楚救至亥等出
奔

大蒐于昌間

公作

昭公之季三蒐矣顧公室焉得一卒之用

夏四月乙丑天王崩

六月叔鞅如京師葬景王王室亂

景王太子壽早卒王欲立庶子朝劉摯單旗不可至

崩劉單立子猛子朝因百官之喪秩者與靈景之族

作亂書亂不專罪子朝也

劉子單子以王猛居子皇

避子朝也

秋劉子單子以王猛入于王城

初景王欲立子朝與賓起謀殺劉摯單旗未發王崩
摯亦死旗與摯子盂殺賓起立子猛子朝帥三邑之
甲逐劉單戰于平時劉單殺羣王子八人納子猛于
王城事由劉單也大臣建國本而以私怨獨行宗室
未協諸大夫未同若之何不亂故其奉君也書以其

春秋正義 卷十一
復王城書入臣不名而名其君示不爲君臣也。晉人以師納王猛亦不書仲尼于王猛劉單意可知也。
冬十月王子猛卒。

書子書名書卒不葬不成其爲王也。子丐立是爲敬王。館于子旅氏。

十有二月癸酉朔日有食之。

二十有三年○春王正月叔孫婣如晉。

邾人城翼道出武城武城人嬰之取其三大夫邾人愬于晉晉以爲討叔孫往。

癸丑叔鞅卒。

晉人執我行人叔孫婣。

晉人執叔孫使與邾大夫坐叔孫不可責賂不可遂囚諸箕書甚晉也。

晉人圍郊。

郊周郊晉人滅戎併伊維于周爲同室矣周有難而晉不急子朝在京乃圍其郊周人告聞師遂大還向使晉人盡忠王室無懷貳圖周惟恐晉師不畱何告聞之有告聞則晉之師可知也書圍郊志不急也郊不繫周莫非周也王者無外所以尊之內稱不備所以親之。

夏六月蔡侯東國卒于楚

秋七月莒子庚與來奔

庚與好劍用人試大夫烏存以國人逐之遂奔魯齊人納去疾之子立為郊公

戊辰吳敗頓胡沈蔡陳許之師于雞父穀作甫胡子髡坤

沈子逞公作極穀作盈滅獲陳夏齧泉

吳人伐州來楚令尹子瑕帥七國之師救之卒于師

吳人乘之胡沈之君沒于陣陳大夫夏齧被獲

天王居于狄泉尹氏立王子朝昭

天王敬王丐也猛卒丐立春秋不王猛而王丐何也

猛立于單劉之手丐自立也猛不踰年卒敬王立四

十有二年為共主久矣君臣之義久則定稱天王而

繼猛朝不二之義也居狄泉在外也立子朝據王城

也

八月乙未地震

冬公如晉至河有疾乃復公穀河下有公字

晉之郤公屢矣其復不徒以疾也臣不以為君故強

鄰輕之大國不與同盟故賊臣侮之而竟播遷以死

豈獨季氏之罪春秋所以惡晉也

二十有四年○春王二月丙戌仲孫貜卒

媯至自晉

公有叔孫字

晉執魯叔孫至是釋歸嗟乎如魯事晉何以不得免其君為僕其臣為虜甚矣哉春秋所以惡晉

夏五月乙未朔日有食之○秋八月大雩○丁酉杞伯

郁公作鬱釐離卒

冬吳滅巢

楚邑也不日不月史逸也說者謂夷狄時顧經書時者過半矣

葬杞平公

二十有五年○春叔孫媯如宋

季平子娶于宋元公女昭子聘宋遂為季孫逆婦執

政為大夫逆婦非禮也

夏叔詣

公穀作倪後同

會晉趙鞅宋樂大

公作世後同

心衛北宮喜

鄭游吉曹人邾人滕人薛人小邾人于黃父

謀周也趙鞅令諸侯輸周粟具戍人明年將納王嗟

夫天子蒙塵強宗據京師諸侯優游觀望四載使

其臣口舌遷延以待來年可謂譚笑而道之者矣胡

氏謂免于譏貶者求一字之例而不得也

有鸛

瞿鵠

欲來巢

鸛公作鵠音權

鸛鵠鳩鳩也性不能巢詩云維鵠有巢維鳩居之魯

春秋正義 卷十一
有鸚鵡來巢異也。君子曰：無成知始，其道反常。其臣擅君之象與。

秋七月上辛大雩。季辛又雩。

月再雩，旱甚也。

九月己

穀作乙

亥，公孫

遜

于齊，次于陽

公作楊

州。

公忿季氏專，與季公若、公子爲、子果、子賁、郈昭伯共伐季氏，入之。平子登臺，請盟，請囚，請亡，公皆不許。叔孫氏之司馬鬻戾曰：亡季氏，是亡叔孫也。率其徒助之，與孟孫殺郈伯，攻公。公奔齊，書孫微之也。

齊侯唁

彥

公于野井。

弔失國曰唁。齊魯形親之國也。自魯附晉而齊始孤。魯間于晉而齊遂盟東諸侯矣。魯亂齊之幸也。故其言甘而禮恭。書齊侯唁公，見齊詳而悲二國之失計也。苟二國親睦，豈患于晉。雖有陳恆三桓，未敢動也。冬十月戊辰，叔孫婁卒。

叔孫婁之死後矣。方昭公之謀季孫也，婁無故而如鬪，其真不知邪。其知之而先去以避邪，其已授指于鬻戾而預爲備邪。不然，季孫已歸命矣。鬻戾輒敢帥其徒以伐公邪。其語于衆曰：無季氏，是無叔孫也。此非婁肝膈之要邪。國有難而執政不赴，君出而後歸。

歸無一言詰駸矣。讓季孟而從公于齊。故公徒欲殺之。而乃甘言于幄。許納公。聞道脫歸。竟無所短長。以死。何邪。左氏為祈死之誕說。世儒遂以姑為社稷臣。豈仲尼之意哉。說者曰。大夫卒。公不與小斂。不日。今公出亦日。為之解曰。公在外。非無恩。理窮辭遁。春秋無此例也。

十有一月己亥。宋公佐卒于曲棘。

宋地

宋公之女為季孫妻。故宋公謀納公。憂季孫也行未踰境而卒。

十有二月。齊侯取鄆。

齊侯謀以千社居公。從者子家辭。遂取魯邑鄆以處之。

二十有六年。春。王正月。葬宋元公。

三月。公至自齊。居于鄆。夏。公圍成。

齊侯將親納公。季氏賂其嬖人梁丘據。阻之。遂使公子鉏帥師往。孟孫偽以成降。緩齊師設備。而後拒之。公以齊師圍成。不書齊諱也。

秋。公會齊侯。莒子。邾子。杞伯。盟于鄆。專陵

謀魯也

公至自會。居于鄆。

春秋左傳卷二十一 襄公二十七年
九月庚申楚子居卒

初楚平王為世子建娶秦女費無極以蠱平王自取之遂出子建于城父誣以叛殺其傅伍奢子建奔宋秦女生子壬而幼子西長而賢令尹子常欲立之子西不可遂立壬是為昭王

冬十月天王入于成周尹氏召伯毛伯以王子朝奔楚晉知躒歷楚執以師納敬王于成周天子而植于陪臣之手諱故不書天下有道政不在大夫書天王入于成周憂無道也

二十有七年○春公如齊○公至自齊居于鄆

夏四月吳弑其君僚

吳光謀弑父矣光諸樊之子也壽夢愛季扎不得立諸樊承父志而舍其子凡為扎耳扎不受國當歸光僚宜昧之子焉得而干之僚既干其位又無道以讐其民光日夜伺隙伍員專諸之徒從與之七年而後難作故書國非一人一日之辭也光立為闔閭

楚殺其大夫卻

殺作宛 宛

費無極與鄆將師惡卻宛搆之于令尹子常曰宛欲飲子酒又謂宛曰令尹欲飲酒于子且曰令尹喜甲兵擇其好者寘諸門令尹來以酬之反告子常曰吾

幾禍子。必勿往。使人視郤氏門。有甲。子常遂攻郤氏。殲其族。國人詫之。子常懼。殺無極。與將師。亦殲其族。夫無極之禍楚烈矣。殺不書。當也。無極之罪。非殺可償。書無極所殺者耳。

秋。晉士鞅。宋樂祁犁。衛北宮喜。曹人。邾人。滕人。會于扈。謀戍周。且將納公。季孫賂晉士鞅。遂不果納。嗟乎。晉衛於魯。為同姓兄弟。淹恤在外。無急難之義。而徒使其臣因亂。以為利。晉之為盟主。如何哉。王室有子朝之亂。遷延數載。迫于游吉。諸君子之督過。而後有成。周之役。其又奚有于魯。齊晉。衛也。魯齊。驂駟也。自魯

附晉。而齊受繫久矣。齊景公稍振魯。遂有季氏之難。當是時。公能用子家計。適晉。晉其或納之。然五如晉。而晉五辭。公知季氏託于晉者厚。不往亦宜。舍晉則唯齊。齊方病魯。一旦來歸。謂天以魯與我矣。喜而遠勞之。許四千社。居之。將以魯為禽。以公為罔。以已為羅。從者子家不可。而齊意遂懈。然猶以師從公。圍成。取鄆。塞前諾耳。豈真有納公之志乎。齊不納公。而恐公之從晉也。晉不禮公。而又惡公之好于齊也。遷延四載。至齊人。以宰夫飲公。以主呼公。然後乞哀于晉。晉果責魯。無一个之辱。兩棄之。而公遂無歸矣。季孫

之賂絡繹于外朋黨徧諸侯公出不復固其臣逐之亦齊晉交擠之也世道人心為鬼為蜮可勝慨哉魯弱而齊晉先亡天道所以罰不衷也讀春秋者置此不論而區區書人書名之例愈比而愈不合矣

冬十月曹伯卒

邾快來奔

傳不詳其故凡外臣來奔則書世儒強執無大夫之例迂僻不可曉

公如齊○公至自齊居于鄆

孟懿子與陽虎伐鄆敗公徙公如齊齊侯即安而使

其宰夫飲公酒明年公遂如晉

二十有八年○春王三月葬曹悼公

公如晉次于乾干侯

晉地也公使人請逆于晉晉人辭曰其使齊人逆君出公于境外乃逆

夏四月丙戌鄭伯寧公作甯卒○六月葬鄭定公

是年晉祁盈家臣有淫亂者盈殺之荀躒譖盈于晉侯遂滅祁氏之族及其黨羊舌氏分二氏邑為十以封十大夫不書史不備也

秋七月癸巳滕子寧公作甯卒○冬葬滕悼公

二十有九年○春公至自乾侯居于鄆○齊侯使高張來唁公

齊惡公如晉而喜晉之不加禮也陽使人來唁辭稱主君公遂復如乾侯

公如晉次于乾侯

意如之逐昭公獲矣始而公伐之也陽為不敵請盟請亡以緩公而待兩家之援公既出矣請改事君稽首叔孫僞求復公公之奔齊晉也則賂齊晉公之在外也則車馬遺于外齒及君則憂恤之言不絕于口君之左右衣履不絕于餽是以內有逐君之實而外

連強大結歡羣小昭公昏庸不斷忠言不入卒至大行而不返也悲夫

夏四月庚子叔詣卒

公不與小斂亦書日例之無稽明矣

秋七月○冬十月鄆潰

內亂曰潰鄆潰公遂去如晉次于乾侯傳不詳其鄆人受指于季孫而倒戈于公乎未可知也昭公昏庸不厭衆心三家勢重國人何賴孤主而開罪于權門

當時民情變態可思也嗟乎公之出也季孫不欲其歸鄆人亦不欲其歸季孫不欲其歸寡也鄆人一不欲

其歸則公失人心矣。故書曰：鄆潰。鄆潰，公安之。有干乘之國，而措躬無地。詩云：無俾城壞，無獨斯畏。昭公之謂矣。彼季孫，何足誅哉。

三十年○春王正月公在乾侯

正月必書公在何也。春首歲，君首國也。國者，君之國。君者，國之君。未有有國無君，有君無國者。君不得有國，則必知君之所在，不敢干其器也。國不得事君，則必問君之所往，不敢忘其主也。不敢干其器，義也。不敢忘其主，仁也。春秋人倫之至。若之何游夏能贊之。夏六月庚辰，晉侯去疾卒。○秋八月葬晉頃公。

冬十有二月吳滅徐。徐子章羽公作禹奔楚。

吳王僚之死也。其子掩餘奔徐，燭庸奔鍾吾，闔閭討之。二子遂奔楚。吳執鍾吾子，滅徐。徐子亦奔楚。楚封吳二子處，徐子于城父。

三十有一年○春王正月公在乾侯

季孫意如會晉荀躒立公作標于適的歷晉地

晉定公新立，將納公。范鞅止之，曰：「試召季孫，不來則信不臣矣。」使私謂季孫曰：「必來，我受其無咎。」意如會荀躒于適，歷為練冠麻衣，既行，伏而見晉侯，曰：「事君，臣所不得也，敢有異心。」晉侯信之，遂不納公。

夏四月丁巳薛伯穀卒

晉侯使荀躒唁公子乾侯

公次乾侯四年晉人若罔聞也定公新立使唁公勸之歸而趙鞅荀躒為季氏中主昭公畏懦不決遂使如河之誓竟成客死之讖悲夫

秋葬薛獻公

冬黑肱公作以濫來奔

濫邾邑近魯邾大夫黑肱以叛于魯魯納之二十七年納快今納黑肱不書邾一之為甚云爾左傳曰邾黑肱以土地來不求名必書謂之欲蓋而章齊豹殺

衛公縶書盜謂之求名不得夫殺人非以求名也以土地叛非為欲蓋也比類屬辭而已與公羊通濫之說壽張為幻皆春秋之稂莠也

十有二月辛亥朔日有食之

三十有二年春王正月公在乾侯

取闕

闕亦邾邑季氏取之既納其亡臣叛土又取其分邑故經皆不殊邾屢也以表亡厭

夏吳伐越秋七月

冬仲孫何忌會晉韓不信齊高張宋仲幾衛世穀作大叔

申鄭國參曹人莒人薛人杞人小邾人城成周下有邾人

婁人殺有邾人

敬王以子朝之黨雜處王城請晉城東郊將遷居焉

是時公在乾侯魯無君故大夫會他國有君亦大夫

會則同乎無君故曰天下有道政不在大夫

十有二月己未公薨于乾侯

嗟夫季孫之惡滔天矣魯人不敢問諸侯不能討春

秋焉得不作史墨當世所謂君子也亦曰季氏出其

君而民服世衰道微邪說橫行春秋焉得不作

春秋直解卷十一終

申鄭國參曹人莒人薛人杞人小邾人城成周公莒人

齊人殺

敬王以子朝之黨難處王城請晉城東郊將遷居焉
是時公在乾侯會無君故大夫會他國有君亦大夫

會則同乎無君故曰天下有道政不在大夫
十有二月己未公薨于乾侯

嗟夫季孫之惡滔天矣魯人不敢問諸侯不能討春
秋焉得不作史墨當世所謂君子也亦曰季氏出其
君而民服世衰道微邪說橫行春秋焉得不作

春秋直解卷十一終

